

Қазақстан Республикасы Спорт және дене
шынықтыру істері агенттігі

Қазақстан Республикасы Спорт
және дене шынықтыру істері
агенттігі төрағасының 2014 жылғы
13 қаңтардағы № 7/ӨМ бұйрығы.
Қазақстан Республикасының
Әділет министрлігінде 2014 жылы
13 ақпанда № 9146 тіркелді. Күші
жойылды - Қазақстан
Республикасы Мәдениет және
спорт министрінің 2014 жылғы 22
қарашадағы № 106 бұйрығымен

Агентство Республики Казахстан по делам спорта
и физической культуры

**"Жоғары спорт шеберлігі мектептерінің қызметін ұйымдастыру
қағидаларын бекіту туралы" Қазақстан Республикасы Спорт және дене
шынықтыру істері агенттігінің 2013 жылғы 19 тамыздағы № 298 бұйрығына
өзгерістер мен толықтыру енгізу туралы**

*Ескерту. Күші жойылды - ҚР Мәдениет және спорт министрінің
22.11.2014 № 106 бұйрығымен (алғашқы ресми жарияланған күнінен кейін
күнтізбелік он күн өткен соң қолданысқа енгізіледі).*

«Дене шынықтыру және спорт туралы» 1999 жылғы 2 желтоқсандағы
Қазақстан Республикасы Заңының 23-бабының 21) тармақшасына сәйкес
БҰЙЫРАМЫН :

1. «Жоғары спорт шеберлігі мектептерінің қызметін ұйымдастыру
қағидаларын бекіту туралы» Қазақстан Республикасы Спорт және дене
шынықтыру істері агенттігінің 2013 жылғы 19 тамыздағы № 298 бұйрығына
(Нормативтік құқықтық актілердің мемлекеттік тіркеу тізілімде № 8718 тіркелген,
«Егемен Қазақстан» газетінде 2013 жылғы 26 қыркүйекте № 220 (28159)
жарияланған) мынадай өзгерістер мен толықтырулар енгізілсін:

көрсетілген бұйрықпен бекітілген Жоғары спорт шеберлігі мектептерінің
қызметін ұйымдастыру қағидаларында:



«ЗҚАИ» ШЖҚ РМК лауазымды тұлғаның ЭЦҚ мәліметі бар QR-код



ҚР НҚА ЭББ-гі нақты
құжатқа сілтеу QR-коды

4-тармақтың 5), 6), 7), 8), 9) және 10) тармақшалары мынадай редакцияда жазылсын:

«5) жаттықтырушы-оқытушы – жоғары кәсіптік білімі бар және оқыту қызметімен тікелей айналысатын жеке тұлға;

6) спорттық резерв – жасөспірімдердің және жастардың жарыстарына қатысатын спортшылар;

7) халықаралық спорттық жарыстар - кемінде бес мемлекеттің өкілдері қатысатын спортшылар (командалар) арасындағы спорт түрінен сайыстар;

8) оқушы – БЖСМ-да спортпен шұғылданатын тұлға;

9) спорттық жетілдіру топтары – оқу-жаттығу топтарында дайындықтан өткен және мынадай атақтар мен разрядтарды орындаған спорт мектептерінің оқушылары қабылданатын спортшылар топтары:

спорттың ойын түрлерінен, коньки тебу спортынан, жеңіл атлетикадан – 1-спорттық разряд;

спорттың басқа түрлерінен – «Қазақстан Республикасының спорт шеберіне үміткер»;

10) жоғары спорт шеберлігі топтары – спорттық жетілдіру топтарында дайындықтан өткен және мынадай спорттық атақтар мен разрядтарды орындаған спорт мектептерінің оқушылары қабылданатын спортшылар топтары:

спорттың ойын түрлерінен, коньки тебу спортынан, жеңіл атлетикадан – «Қазақстан Республикасының спорт шеберіне үміткер»;

спорттың басқа түрлерінен – «Қазақстан Республикасының спорт шебері»»;

6-тармақ мынадай редакцияда жазылсын:

«6. ЖСШМ негізгі мақсаты спортшылардың жоғары спорттық жетістіктерге қол жеткізуге бағытталған олимпиадалық, олимпиадалық емес және ұлттық спорт түрлерінен жыл бойы оқу-жаттығу, спорттық-әдістемелік қызметін жүзеге асыру болып табылады.»;

9 және 10-тармақтар мынадай редакцияда жазылсын:

«9. Республикалық ЖСШМ республикалық жарыстардың жүлдегер және жеңімпаз спортшылары қабылданады.

Облыстық және қалалық (аудандық) ЖСШМ республикалық жарыстардың, облыстардың Астана мен Алматы қалаларының спорт түрлері бойынша біріншіліктердің жүлдегер және жеңімпаз спортшылары қабылданады.

10. ЖСШМ контингенті олимпиадалық, олимпиадалық емес және ұлттық спорт түрлерінен ұлттық, облыстық, Астана мен Алматы қалаларының құрама командаларының мүшелерінен жасақталған оқушылардың тұрақты және ауыспалы құрамынан құрылады.

ЖСШМ контингенті спорттық жетілдіру және жоғары спорт шеберлігі тобына кіретін оқушылардан қалыптасады. Спорттық жетілдіру және жоғары спорт шеберлігі топтарына қабылданған оқушылардың жасы белгіленген спорттық нормативтер және осы топтардың талаптары жыл сайын расталған жағдайда шектелмейді.»;

мынадай мазмұндағы 10-1-тармақпен толықтырылсын:

«10-1. Облыстық және қалалық (аудандық) ЖСШМ-де спорттық жетілдіру топтары спорттық жетілдіру топтары құрамының жеке тізімі бекітілген жағдайда, дене шынықтыру және спорт саласындағы жергілікті атқарушы органның келісімі бойынша ЖСШМ басшысының шешімі бойынша ашылады.

Республикалық ЖСШМ-де спорттық жетілдіру топтары спорттық жетілдіру топтары құрамының жеке тізімі бекітілген жағдайда, уәкілетті органның келісімі бойынша ЖСШМ басшысының шешімі бойынша ашылады.

ЖСШМ-де жоғары спорт шеберлігі тобы жоғары спорт шеберлігі тобы құрамының жеке тізімі бекітілген жағдайда, уәкілетті органның келісімі бойынша ЖСШМ басшысының шешімімен ашылады.»;

11, 12 және 13-тармақтар мынадай редакцияда жазылсын:

«11. ЖСШМ-де спорттық дайындыққа қатысушылар мыналар болып табылады:

1) олимпиадалық, олимпиадалық емес және ұлттық спорт түрлерінен ұлттық, облыстық, Астана мен Алматы қалаларының құрама командаларының тізімдік құрамына енгізілген спортшылар;

2) ЖСШМ аға жаттықтырушысы, білікті жаттықтырушы-оқытушылар, сонымен қатар ЖСШМ спортшыларын дайындауға шақырылған жеке жаттықтырушылар;

3) спортшыларды даярлауға ЖСШМ шақырған дәрігелер, әдіскерлер, массажист, психологтар және басқа да мамандар;

12. ЖСШМ оқушыларының жеке тізімдік және жаттықтырушы-оқытушыларының құрамы, оқушылардың бір жылға арналған жеке дайындық жоспары, бір жылға арналған спорттық-бұқаралық іс-шаралардың күнтізбелік жоспары жыл сайын 15 желтоқсанға дейін уәкілетті органға (ЖСШМ республикалық мәртебесі бар жағдайда) немесе дене шынықтыру және спорт саласындағы жергілікті атқарушы органға (ЖСШМ облыстық, қалалық (аудандық) мәртебесі бар жағдайда) келісуге ұсынылады.

13. ЖСШМ оқушыларының және жаттықтырушыларының дербес тізімін жаттығу және жарыс циклі аяқталған соң ЖСШМ басшыларының ұсынысы негізінде қажет жағдайда, уәкілетті орган (ЖСШМ республикалық мәртебесі бар жағдайда) немесе дене шынықтыру және спорт саласындағы жергілікті атқарушы органға (ЖСШМ облыстық, қалалық (аудандық) мәртебесі бар жағдайда) қайта қарастырады.»;

20-тармақ мынадай редакцияда жазылсын:

«20. ЖСШМ аға жаттықтырушысы уәкілетті органның (ЖСШМ республикалық мәртебесі бар жағдайда) немесе дене шынықтыру және спорт саласындағы жергілікті атқарушы органға (ЖСШМ облыстық, қалалық (аудандық) мәртебесі бар жағдайда) келісімі бойынша ЖСШМ басшылығымен қызметке тағайындалады және босатылады.».

2. Жоғары жетістіктер спорты және спорт резерві департаменті

(С.М. Жарасбаев) заңнамамен белгіленген тәртіпте:

1) осы бұйрықты Қазақстан Республикасы Әділет министрлігіне мемлекеттік тіркеуге ұсынсын;

2) Қазақстан Республикасы Әділет министрлігінде мемлекеттік тіркеуден өткеннен кейін осы бұйрықтың бұқаралық ақпарат құралдарында, Қазақстан Республикасы Спорт және дене шынықтыру істері агенттігінің интернет-ресурсында және «www.adilet.zan.kz» веб-сайтында ресми жариялануын қамтамасыз етсін.

3. Осы бұйрықтың орындалуын бақылау Қазақстан Республикасы Спорт және дене шынықтыру істері агенттігі төрағасының орынбасары Е.Б. Қанағатовқа жүктелсін.

4. Осы бұйрық алғаш ресми жарияланған күнінен кейін күнтізбелік он күн өткен соң қолданысқа енгізіледі.

Төраға

Т. Есентаев

Күші жойылған